

I skola hem predskolsko-skola ani komuna Hässleholm

O Barn- och Utbildningsförvaltningen l'jol odgovornost sar keren buti ani skola hem pripremno razred-predskolsko, te avol pedagogijako sikljovibe, osnovne skolake, gimnaziake skolake, specialne skolake hem e kulturake skolake.

Kana tu ker buti ja se studirine, te chaven saven isi pherde 12 bers, isi cacipe te avol ljen jekh than ani pripremno skola hem palji e skola ano slobodne aktivitetia thaj ano pedagogiako sikljovibe. Te hine tut chave kotar o 1-6 bers isi tut cacipe te den tut jekh than ane cavorengo kher.(decije obdaniste) te rodindjan buti ja se mora te ave khere javer cavenca save itane po tiken. Ane disave predskolske skole ja se palji skolako slobodno vereme te acilje o chave ani shkola platinolpe o than. O cave save itane maskar o 3 hem 6 bers saj te na paltinen te gelje samo 15 sahatia ano kurko.

Ano Hässleholm isi 25 osnovne skole hem disave slobodne skolake aktivitetia, isi dji ko 50 pripremne skole thaj gimnazie skole. Osnovne specialne skole saj te arakhenpe ane disave osnovne skole ja se specialne gimnazie skole e ucenikienge save itane zasotale. Sa o cave ani Svedska mora te djan ani osnovna skola , i skola na platinolpe . O dad hem i daj l'jol odgovornost e cavenge te djan ani skola.

Kana o chavo pherol 6 bersh lje sis than ani naj pasi skola kaj tumen besen. Angluno bers o cave djan ano priprmeno razred, ali o primno razred na ne obavezno te djalpe, ali ani Shvedska but cave djan ano pripremno razred te saj pripreminenpe o cave skolake posukar. Kana o cave pheren 7 bers ovol obavezno o cave te djan ani osnovno skola dji ko 9 klasa te edukinepe.

Kana hinan gotovo ani osnovna skola isi tut saipe te lundjre tlo skoluibe ani gimnazia, ja se te hinana upral o 19 bers saj te sikjlove diso javer. Ano Hässleholm o cave save aven ani Svedska kotar o 16 -20 bers, saj te skoluinenpe ano Ungdumscentrum. O Ungdumscentrum si jekh than kaj pripreminenpe o terne po angal djan ani gimnazia, akate on sikljoven svedski cib, hem javer

predmetia te saj aven ano isto nivo sar o javer cave save djan ani gimanzia skola.

Te saj avol tut isto nivo te sikljove ani gimazia mora te zavr sine 8 predmetia, hem svedsko chib so mora te djanen obavezno. Save predmetia valjano te sikljove hem so rodolpe te saj te rode informacia ani iterntsko rig.

<http://www.skolverket.se/laroplaner-amnen-och-kurser/grundskoleutbildning/grundskola/svenska-som-andrasprak>

Ovisno kobor dur bese kotar i skola i komuna dol pomoc te saj dja autobusia ani skola. Tu sar dad ja se daj saj te birine skola te cavenge kaj mange, ali but putija saj te avol adjukha kaj tu mora te platine o transporti te caveske.

Ano predskolsko skola hem ani skola dolpe e cavenge habe te han besplatno. O habe savo dolpe e cavenge kerolpe adjukha so odgovorinol te caveske te hine lje medecinsko ja se religiozno razlog ljenge saj te keren javer habe .

Ani osnovno hem gimnazia skola isi medecinske sestre, skolake doktoria, skolake psikologia hem kuratoria-savetnik.

Ponasanje ani skola hem jednakost

Te avol sarijenge ano predskolsko skola hem javer skole sukar mora te kerolpe pravila hem zakonia e cavneg hem e uciteljienge.

Ane skolako zakoni itano zabranimo te kerolpe diskriminacia djikaske o sebepi so lje isi jekh javer etniciteti , javer seksualno dikhibe, religia ja se jekh javer verovanje, te hine invalidi ja se te hinelje jekh javer identiteti.

Isto itano zabranimo te akuse hem te vakere celalje lafia javerenge. Ani predskolsko skola hem ani skola nasti te marenpe fizicko hem verbalno. Amen sa o konfliktia zavr sine adjukha so vakera jekh jekhea. Hem uvek isi djene personali savo kerol buti te hinen disavo problemi.

Saradnja maskar i skola, predskolsko skola hem o dada hem o dija

Sar dad hem daj tu saj te ave kana mange ani skola te posetine amen. Te kerolpe saradnja maskar i skola hem o dada hem dija itano but vazno odolejske

so o cave ka osetinenpe sukar ani skola. Ani skola saj te hulje ane skolako internet kaj isi jekh programi e anvea Schoolsoft, odothe saj te dikhe sar djal i skola te caveske hem so kerolpe ani skola.

I predskolsko skola hem e skola kamol te djanol dalji avol to cavo ani skola dali na, odoljeske tu sar dad hem daj valjanol te javine ano vreme pre i skola pocminol te na alje o cave ani skola. Te nasti kerdjam kontakti tua kaj to cavo nanen ani skola, i skola ka kerol kontakti e policia hem e socialförvaltningen. Sa akava kera odoljeske so amen brininape kotar te cavesko sigurnost ani skola, odoljeske mukh tacni hem aktualni adresa o telefoni ani predskolsko skola hem skola kaj to cavo djal.

Ani predskolsko skola hem ani skola tu ka ave vikimo ano roditeljski sastanak te dikhe sar to cavo sikljol hem kobor akana djanol hem so valjanol te kera te saj avol dji ko cilji e skolako.

Sar dad hem daj tu saj te puce so misline hem so mange kotar to cavo so kerol ani skola. Ko jekh than e javer dadenca hem dijenca föräldraråd/föräldraförening/lokal styrelse, saj te savetine tut thaj te vakeren sar saj te avol posukar ani skola e cavenge.

Te mangljan te djane pobuder kotar o predskolsko skola hem skola ano Hässleholm dja ano intrensko rig. www.hassleholm.se

Pobuder informacia kotar o predskolsko skola hem skola ani Svedska isi tut ani Skolverkets broschyr, predskolsko skola hem skola itani kerdi te caveske, hem o kativitetia ano slobodno vreme palji skola itani kerdi te caveske. Akija informacia saj te dobine kana pisindjan te cave ani skola.

Te sikljove te dijaki cib

Jekh cavo savo vakeroj jekh javer cib, isilje saipe te sikljol ani skola pe dijaki cib

- 1) I cib savo o cavo mangol te sikljol itani odija cib so vakeroj khere savko dive
- 2) Hem te saj sikljol pe dijaki cib mora te avolje osnovno djanibe e cibjako so vakeroj kher.

O direktori e skolako anol odluka kotar o sikljovibe e dijake cibjako ani skola. Rodolpe te aven dji ko 5 djen save mangen te sikljon pe dijaki cib ani komuna hem te arakhenpe nastavnikia save djanen te keren akija buti.

E ucenikijenge ani skola save pripadinen sar nacionalno minoriteti, ka nudinolpe e cavenge save djan ani skola, te na vakerdje pe dijaki chib khere, hem te hinen harica djenen mora te nudinenpe te manglje te sikljon pe dijaki cib.

I Svedsko sar e dujto cib

I Svedsko sar i dujto cib zameninolpe, te mangljan te kere odova o direktori e skolako odlucinol ov saj te zameninol, o predmeti svdesko cib:

- 1) *e uceniko te hine jekh javer cib so vakerol a na svedski*
- 2) *o uceniko savo vakerol javer cib hem savo avol kotar javer drzava, hem*
- 3) *o izbeglice saven isi i svedsko sar galvno cib, odoljeske so besen ko jekh svedsko familija.*

Cacipe te sikljove svedski sar jekh javer cib isi tut parvo beobziara ano savo nivo djane te vakere svedski, sarijen isi pravo hem cacipe te sikljon adobokha kobor djanen. Te lje ocena kaj zavrindjan o kursi kaj sikljiljan svedski sar jeke javer cib isto itano sar jekh predmeti so sikljove ani skola.

Sar te studirine te dijaki cib

Pomoc sar te studirinen te dijaki cib ani skola. I skola saj te pomozinol tut samo te valjandja jekh adjukha pomoc. Akava saj organizinolpe ano razlicite nacin, sa zavisinol savi itani i potreba.